







920059 II

Mag. St. Dr.

I

*The first of the  
series of the  
series of the series*



Hic Liber  
Dono mihi oblatas est à L. P. Melchior:  
re Starzeński Praefecto almae  
Universit. Leopoli:  
a<sup>o</sup> 1762. Febr.  
Leliv.

JLLUSTRISSIMO EXCELLENTISSIMO  
DOMINO DOMINO

EUSTACHIO

POTOCKI,

M. D. L. Supremo Rei Tormentariæ

P R Æ F E C T O

Equiti Aquilæ Albæ

De

Regia Præfectura Leopoliensi

Sub Auspicatissimum Ejusdem Præfecturæ  
Aditum

GRATULATIO

Nomine Collegii & Universitatis Leopo-  
liensis S. J.

F A C T A.

M. D. CCLXII.

à P. Stanislao Chiczewski S. J. AA. LL. & Phil. Mag.

Leopoli Typis Academicis.

*Antoni Lasci.*

*In me.*



IMPRIMATUR

*In quorum fidem &c. Dat. Leopoli Die 28va  
Mensis Novembris A. D. 1762.*

STEPHANUS  
MIKULSKI

*J. U. Doctor, Ecclesiarum Metropolitanae Ar-  
chidiaconus, Insignis Collegiatae Stanislacpoliensis  
Custos, Vicarius in Spiritualibus & Officialis  
Generalis Leopoliensis.*

*mpp.*

920 059

Mag. 87. D.

Bibl. leg.

87. D. 1987. K. 63/22 (22)





**S**I Clarissimam generis tui am-  
plitudinem Illustrissime Do-  
mine, &c. atq; infinitam pro-  
pmodum recte factorum tuo-  
rum copiam, non hac quæ  
perexigua est, sed longa quantumvis di-  
ctione, veluti extremis claudere limitibus  
animi nostri sententia foret, temere nos  
in errorem perinde coniiceremus, atq; is;  
qui seu rerum innumerabilium calculum  
instituire, seu immensæ magnitudini, cer-  
tos fixosq; terminos, male ponere non  
erubesceret. Verum enim vero, non ideo  
ab hoc periculosissimo proposito nobis ab-  
stinendum putavimus, quasi vero in re ad-

A

mo.



2  
modum difficili, leve aliquod operæ præ-  
tium crediderimus, sed quod gloriæ Tuæ  
ea terreamur majestate, quam cum verbis  
conceptissimis præ imbecillitate virium ex-  
plicare nolimus, tum certe nemo unus  
est, qui omnem illam præ sua ubertate vel  
cogitatione plane asséquatur. Habet quip-  
pe peculiare quidem sibi ipse, diffusa  
Vestri POTOCCIANI sanguinis per Se-  
natorios iuclytæ Poloniæ titulos uberri-  
maq; eluvio, sed tamen id habet sibi com-  
mune, non modo cum altissimis unde-  
quaque Oceani aquis, ut harum pariter  
atq; illius plenitudinem, diuturno labore  
quispiam exhaurire necquidquam conten-  
derit; verum etiam cum rebus Divinis  
æternisq; quarum quo penitus naturam  
perpetuitatem virtutemq; mens perscru-  
tata fuerit; eo illarum se obrui mole, seq;  
pulchritudinem earundem & pondus &  
pretium minime assecutam, ultro fateatur.  
Quæ cum in illis ipsâ natura, in te pro-  
pitii Numinis donô, ita comparata sint,  
jam in eam ex æquo adduci poteris opi-  
nionem, tum ut ne nobis vitio veritas, si ad  
honorificentissimum eumq; primum Præ-  
fecturæ Leopoltianæ aditum tuum, non  
omnes Nominis meritorumq; tuorum lau-  
des,



des, operâ data memoraverimus; tum ut  
 veniam silentii dones, si neq̃ illa tua de-  
 cora quæ impune omitti nequeunt, ea  
 qua par est sermonis dignitate strictim  
 cursimq̃ attigerimus; alterum namq̃ in-  
 comparabili natalium Tuorum claritati,  
 tributi loco reverenter debemus; in altero  
 maximis temporum iniuriis angustissque  
 dolentes impedimur. Ac licet quidquid  
 & spiritûs & vocis habemus, omne id in  
 Tuis encomiis, non occupare modo, sed  
 si res poscat, absumere nobis certum de-  
 liberatumq̃ sit; tamen si omnia ista opti-  
 ma Tua facta complecti velimus, non u-  
 num alterumve diem, sed optare sæcula  
 nobis debemus & innumerabiles annos, &  
 quantam Tu, Nomenq̃ Tuum meretur  
 æternitatem. At quandoquidem dixere  
 jam plurimi, longeq̃ super sunt plures di-  
 cturi ea, quibus omnia gesta vestra, sum-  
 marumq̃ virtutum merita laudantur; cumq̃  
 neq̃ nos met ipsos à gloriæ Tuæ præco-  
 nio excludendos olim timeamus, ubi haud  
 multo post ac hic spe minime dubia, nec  
 vano augurio, in sublimiore ac summa Sé-  
 natûs dignitate aliqua constitutus fueris;  
 istud est certe magnum quidpiam atque  
 unicum, quod præsentem vicem nostram  
 summo opere levet, majoremq̃ in modum

Az

sole,



4  
toletur: tum profecto, & quæ de te ex industria reticemus, & quæ hic paucissimis percurrimus, & quæ deinceps pleraq; alia nova in Te admiranda Orbi daturus es; majore animi libertate, ac voluntatis nostræ obsequio, etiam atq; etiam celebraturi sumus. Facimus igitur id hodie compendio quidem orationis, sed maximo votorum nostrorum damno, facimus id inquam quod brevissimo huic tempori maxime congruit; omittimus nempe cætera, ut illud solum arripiamus quod multis fortasse mirum videri oporteret, tamen re ipsa verissimum est; Te nimirum in hoc Regiæ Leopoltinæ Præfecturæ munere capeffendo, plus tribuisse Patriæ beneficii, quam ab eadam acceperis. Nunquam equidem specie tenus & nomine, fortuna, honorumq; majestas consideranda est; licet enim trabæ, fasces & sellæ curules, & hæc obsequiorum stipatio ac fulgor Tuorum sint ornamenta meritorum pulcherrima quidem & augustissima, sed longe illa clariora sunt quæ tu impartitis Tibi honorificis munus vice gratiæ retulisti. Verum quæ illa tandem? quæ? superum hominumq; fidem! quasi vero omnium fugerint memoriam, quasi vero non omnium semper versentur oculos? aut non  
-9101  
per



5

per omnium resonent celebrenturq; ora?  
quæ ut ut usq; quaq; luculenta atq; no-  
tissima sint, ne tamen opinioni hominum  
(quanquam eos, celeberrimæ vestræ famæ  
ignaros esse nullus existimem] dubium  
aliquod relinquamus; Omnibus intuentibus  
quoq; Tuæ gloriæ amplitudinem, jam ex ge-  
neris Tui claritate, jam ex Tuis singularibus  
meritis, jam ex incredibili Tuo in Rem-  
publicam studio, triplici Orationis capite  
liquido commonstrabimus. Atq; ut eun-  
dem quem Tu in benemerendo tenes or-  
dinem prosequamur, hanc nobis dicendi  
de Te legem proponimus ut imprimis for-  
tunæ Tuorum Natalium gratulantes, de-  
miremur jus illud naturæ suffragiumque,  
quod à majoribus Tuis, haud injuria cu-  
jusquam facile Polonæ nobilitatis Princi-  
pibus, arctissima sanguinis communione  
accepisti, ad omnes Regni celsissimas di-  
gnitates occupandas aut verius exor-  
nandas: Exinde vero deprædicanda ve-  
niant præclara Tua merita quæ Te sum-  
mis honoris titulis, sublimiorem pretiosio-  
remq; faciunt; tum demum quod singu-  
latim ueluti per quosdam gradus ad ma-  
xima, quæ Te præstolantur, bene abs Te  
actorum præmia eveharis, amorem Tuum  
boniq;



boniq; publici studium in causa esse, affirmare non dubitemus.

Ut ab ea quam nobis tenendam servandamq; constituimus, compendii orationis lege, ne minimum quidem deflectamus, utq; illa duntaxat quanquam & hæc primis ut ajunt labris delibemus quæ Tui juris, meritorumq; Tuorum, gloriæ, peculiaris esse censentur; missum facimus, cum Regiæ Præfecturæ Leopoliensis amplissimum decus, a quo Tibi plurimum accessisse ornamentis qui dubitet arbitror esse neminem; tum illos clarissimos Principesq; Viros SIENIAWSCIOS, RADZIVILIOS Tuosq; POTOCCIOS, qui ab antiquissima annorum memoria, haud interrupto ordine, hancce Præfecturam ita bene feliciterq; gubernavêre, ut sex illis non laudis minus quam sanguinis, ætissima transfusi necessitudine in Te redundaret. At si paucis communem proborum omnium de Tua hac dignitate sensum explicare otium mihi esset, Te ad tantum istud justitiæ munus accedentem quicumque conspiciunt, continuo intelligerent, quantum Tibi Præses Illustrissime, Regia apud Leopolienses arx, gloriæ theatrum, exhibeat. Si etenim a quo regium obti-



7  
obteneri locum, novimus, eum nobis maxima quadam prosequendum veneratione, non existimare non possumus; quanto majorem etiam putamus esse habendam dignitati ejus, reverentiam, quem Regis vice non inferiore quopiam, sed illo fungi sentimus munere, illoq; officio, quo nullum neq; ad splendorem illustrius, neq; ad amplitudinem majestatemq; gravius Reges habent, quo uno iidem ipsi ita cæteris præcellant hominibus, ut ad DEUM accedant proxime, Divinumq; quiddam in se se præferant. Sed & subinde dum & illud agitaremus animo; illam videlicet Regiam publice dicendi juris, administrandæq; justitiæ potestatem, non in vulgus promiscuum, sed in ipsam Regni hujus nobilitatem, Leopolitano isto comprehensam territorio, collatam Tibi ab optimo serenissimoq; Rege Augusto III, collatam autem Tibi post magnos illos SIENIAW-SCIOS, RADZIVILIOS, Tuosq; POTOCCIOS, quorum singularia merita incredibilemq; virtutem, atq; miram illam pro boni publici commodis agendi rationem, non ipsi tantum Poloni, sed Orbis totius annales, & nobis & seræ posteritati celebrandam relinquunt; cum id inquam at-  
tonita

tonita mente voveremus; tantum eidem  
 Tuæ dignitati gloriæ accessisse arbitramur,  
 quantum accessisse dubitandum non est;  
 quantum scilicet, simul in eo Reipublicæ  
 ordine, quem judicandum acceperis, ho-  
 noris; simul in Illis quibus par similli-  
 musq; succedis, amplitudinis inest. Ve-  
 rum de his ac de illo Tuo munere non  
 agam pluribus, ne videar lucem, in sole  
 quærere, aut laudis Tuæ fontes aliunde  
 petere, quos amplissima Domus Tua, ita sem-  
 per pleno alveo fundit, ut eosdem cum  
 aliis satis superq; communicet: Eò potius  
 orationem convertam, quod mihi propo-  
 situm est, ut luculenter statimq; aperiam  
 Te nimirum vel ipsa generis amplitu-  
 dine, non modo hanc, quæ certe hono-  
 rificentissima est, sed longe illustriores, ma-  
 gnificentioresq; dignitates quaslibet jure  
 quodam meruisse.

Nam primum iste Generis Tui ful-  
 gor, cum in se Maximus, tum vero præte-  
 rea, tam illustrium Virorum Heroumque  
 perpetua successione in immensum prope-  
 modum auctus, ec cujus non rapiat animum  
 suffraganeque permulceat? pro certissimo  
 asserendum videtur, hominem reperiri vix  
 posse, quin si modo **POTOCCIUM** Te  
 esse,



9  
esse, KONSTCIAMque in Matrimonio  
habere, non ignoret; Te inquam hac Tua  
Illustrissima Prosapia, ad amplissimos quos-  
ve honores capeffendos jam inde in pri-  
mam lucem editum, fateatur. Atque id  
quidem vel rudissimos non latet; politiores  
verò quicq; obversari sibi ob oculos quoti-  
die experiuntur illam maximam POTOC-  
CIANI vetustatem Nominis, quæ innume-  
rabilibus ferrè jam abhinc sæculis, ita qui-  
dem in Polonia fulgere cæperit, ut Nomen  
Vestrum tanta sit antiquitate nobile, quan-  
ta vix ulli fortasse Illustri Familiæ sit con-  
cessa. Et verò non ipsa ista antiquitatis  
laus est, qua POTOCCIÆ Gentis celebri-  
tas in hac nostra personat Republica: rebus  
prætereâ, pro communi salute Patriæ usque  
adhuc præclare gestis summisque gerendis  
honoribus (qui recti factorum sunt præmia)  
nunquam non primis in eo genere Polonis  
Prosapiis suppar fuit. Nullus ego dubito,  
qui Patrios nostros Annales evolverit, ille  
per longam seriem, quam POTOCCII gloriæ  
sux memoria implere, Virorum istius No-  
minis, toga æque ac sago clarissimorum non in-  
terruptum ordinem deprehenderit. Quos ego  
eximos ornatissimosque Viros, si ex iisdem  
Annalibus partitim hoc loco memorare ve-

B

lim,

lini, quam vastum dictioni aperiā campum,  
 quam uberem Tuarum laudum nanciscar  
 segetem? continebo me tamen iis quos mi-  
 hi initio præscripsi limitibus, neq̃ procur-  
 ram longius, quam quo primo in Te ocu-  
 lorum conjectu, ipsaq̃ POTOCCIANI re-  
 cordatione Generis pervenire cogitando  
 quisquam poterit. At eorum erit ne quispi-  
 am, cui quoties in Te fuerit intuitus, longè  
 celeberrima Tuorum Majorum decora, non  
 ita illico tum, præ oculis ponantur, ut ille  
 se in infinitam quandam Averum Proavo-  
 rumq̃ Tuorum copiam, publicis illiq̃ in-  
 comparabilibus illustrem fietis, velut sub  
 uno conspectu positam intueri exstimet? ut  
 res ab iis militiæ, domi, in foro, in curia,  
 in Comitio, in Sacris Ædibus, in Patria, a-  
 pud exteros optimè actas, quasi oculis sub-  
 jectas, vel rudis & peregrinus perspiciat?  
 ut eorundem egregiam in Regnum istud,  
 in Ecclesiam, in DEUM, promerita, consi-  
 lio, labore, studio, solertia, eloquentia, o-  
 pum copiosissimarum impendio, ipsiusq̃ a-  
 deo vitæ ac Sargvinæ effusione, non ope-  
 rosè minus quam gloriesè parta, quasi in u-  
 nam redacta summam, atque suis exhibita  
 obtutibus, à se videri conspiciq̃ credat? ut  
 meritorum illorum præmia, in omnibus jam



Civilium, jam Sacrorum honorum insigni-  
bus, in Heroum nempè palmis ac laureis,  
in Senatorum trabeis, in Tyaris Pontificum,  
cæterisque istiusmodi ornamentis, quasi u-  
num congesta in cumulum, & ad spectacu-  
lum exposita, veluti fixis oculis contempe-  
tur? Quid autem? poterone hæc singula,  
qua par est iusti sermonis copia recensere?  
id minimè verò: quamvis equidem quatus-  
quisque non dico reminiscitur, sed adhuc  
videt, quantis honoribus POTOCCII aux-  
eritis, ornâritisque Rempublicam; tamen qui  
sola Titulorum Vestrorum Nomina, probè  
ad certum reduxerit calculum, est profectò  
nemo ullus. Numeravère non diffiteor plu-  
rimi POTOCCIOS Sacrorum Antistites  
duos alterum Culmensẽ, alterum Princi-  
pem Varmiensẽ, quibus tertium addidère  
Principem Archiepiscopum Gnesnensẽ,  
Regni Primatem: Inter Castellanos Craco-  
vienses veniunt memorandi POTOCCII  
Quatuor ac Tuus Illustrissimus Avus stus:  
Itidem Cracovienses Palatini POTOCCII  
sex, Posnanienses tres, Kijoviæ quinque, Vol-  
hyniæ duo, Podoliæ unus, Smolenscenses  
duo, totidem Belzenses, Mazoviæ unus, Bra-  
clavienses duo de viginti, Pomeraniæ unus  
Jam Castellanos Majores minoresque velu:

ti innumerabiles prætereo; sed neq; omnes  
 pacis belliq; Regni, Magni Ducatûs Lithva-  
 niæ, atque Curæ Regiæ Ministri s ad nume-  
 rum revoco. Sufficiat dixisse Regni Copi-  
 arum Ductores fuisse POTOCCIOS octo,  
 cæteros verò plerofq; omnes, tribunos mi-  
 litaris, quorum Nomina ac gesta clarissima  
 quoties attonita mente versò, quin ab ista  
 mea discedam sententia, tantamque hanc  
 cum admirandarum virtutum, tum eximie  
 factarum rerum gloriam, universo POTOCC-  
 CIORUM Generi asseverem fuisse propri-  
 am ne vix quidem me contineo. Cedo e-  
 nim cedo vel unum quempiam ab ipsa sua  
 origine Familiæ istius Virum, qui non toga  
 sageq; clarissimus, qui non Honorum Titu-  
 lis Illustrissimus, qui non deniq; fuisset PO-  
 TOCCIUS? ita sanè POTOCCIUS. Tan-  
 ta enim POTOCCII ad unum omnes, re-  
 rum domi atq; militiæ fortiter sapienterq;  
 gestarum gloria effloruerunt perpetuo, ut  
 hoc ipsum eorum Nomen, non tam Fami-  
 liæ videatur quam virtutis fuisse. Agedum  
 cum plerofque omnes minimè possumus, e-  
 orum duntaxat ut unumquemque attingamus,  
 qui Tibi necessitudine proximè adherent, sed  
 ita obiter attingamus, ut neq; infiniti simus  
 neq; nos tamen, imò verò & nostros poste-  
 ros



res animi voluptate jucundissima, maxima-  
que longè pulcherrimorum virtutis exem-  
plorum utilitate defraudemus.

Atque porro Principem sibi laudis  
vendicat locum Dulcissimus Carissimusq; A-  
vus Tuus FELIX CASIMIRUS POTO-  
CKI Castellanus Cracoviensis, Copiarum  
Regni Supremus Ductor, Filius STANI-  
SLAI in Podhayce Palatini Cracoviensis  
itidem Magni Copiarum Ductoris, Fraterq;  
ANDRÆ Castellani Cracoviensis Ducto-  
ris quoq; Copiarum Campestris: FELIX  
hic inquam Avus Tuus, quam clarum, quam  
illustre jam Tibi, jam suæ Familiæ, jam u-  
niversæ Reipublicæ lumen fuit! quem enim  
Senatorii Nominis Virum, (Poloni Regni  
quodcunque ævum, in foro, quem in Curia  
quem in Campo & Acie clariorem vidit?  
bellicas Herois fortissimi felicissimiq; deside-  
ramus laudes? unus ille ad Mederem e-  
xigua suorum manu, quorum duo nume-  
rabat duntaxat millia, Kozakorum 20000 co-  
pias, cum suapte vi præferocis, tum victo-  
riarum, quibus præter spem potiti erant in-  
solentia in furorem actas, non modo repres-  
sit, sed & fudit. Jam quot prælis idem i-  
pse interfuit & ita interfuit, ut parta tum  
victoriarum gloria, ipsi propemodum uni  
pro-

propria vel cum paucis communis fuerit: ad Cudnovum, ipse Moschos, cum GEORGIO LUBOMIRSCIO, Hungaros, cum CZARNECCIO iterum Moschos Kozacosque, cum Serenissimo JOANNE III. ad Chotimum, Viennamq; Turcas, victricibus armis apertoque Marte, maxima eorundem hostium clade superavit. Niemirowia, Komarnium, Kaluski, Voronkova, Podhaycii, sexcenti denique Russiæ, Podoliæ, Volhyniæ; ac totius Poloniæ loci, viderunt istum jam Militem longè fortissimum, jam Imperatorem Javictissimum, non minus fortiter quam fortunatè semper pugnantem. Verum quid ego hæc solum? enimvero Tu quoque Austriæ Vienna non modo vidiisti, sed omni etiam contentione, Martium illum Virum Tibi existimasti visendum, cum ille primum Poloniarum Copiarum agmen, jam in hostem barbarum, generosus Tribunus duceret; jam eodem conciso hoste, onustus præda, plenus gloria, læustriumphis ex campo rediret. Sed quid ego victoriam memoro, cum plerisque multis communicatam? nunquam istius tanti viri bellica virtus victrici caruit exercitio; docemur quippè Annalibus, eum non semper universo ad prælium usum exercitu, sed paucis cohortibus



bus Victorem extitisse: Quid enim opus  
 erat multitudine, cum ipse pugnaret, ipse  
 omnibus locis, totaq; acie dimicaret, ipse  
 immixtus gregario militi, hostibus undique,  
 & qua resisterent, & qua cederent, & qua  
 fugerent, occurreret, erroremq; adversariis  
 pariter atq; suis faceret, cum neq; illum  
 barbari unum putarent, neq; proprii mili-  
 tes, non dico stipatione atq; comitatu, sed  
 saltem oculis sequi possent: toto namque  
 praelio ferebatur, non aliter quam solet ma-  
 gnus amnis, hybernis imbribus auctus &  
 nivibus, passim fluere qua Campus est, ita  
 Scythæ Turcæ Kosaci, Moschi, cuncti tan-  
 ta interuicione cæsi interfecitq; sunt, ut  
 extinctos ees. relictis domi Conjugibus ac  
 Matribus non profugus aliquis è praelio, sed  
 victoriæ istius Viri gloria runciaret. Faci-  
 lis est mihi aditus Illustrissime Domine ab  
 invictissimo Viro illo Avo Tuo, ad Patrem  
 Patriusq; Tuos. Et Patris imprimis GE-  
 ORGI Præfeti Grabovicensis virtutibus  
 prædicandis prolixius immorandum esset,  
 sed quid faciam? novam quandam patior  
 ex copia difficultatem: quid inquam faciam?  
 quæ Polonia extræque Gentes viderunt,  
 aggrediar? hostium quos cum Patre sæpenu-  
 mero fudit, sanguinea cædis mihi se objici-  
 et,

et attritos Svecos præliis referam? Moschus bellis consumptus offeretur; redactum ad Paludes suis Moschum loquar? compulsi in fugam Cosaci quicquid occurrent: cum igitur impediat turba delictum, Viri tanti præstat gesta in summam referre, quam enumerando tenuare; ac dixisse sufficiat, illum extitisse, in quo virtutes simul omnes Paternæ vigerent quæ cum in ipso eodem tum in suis Fratribus Tuis Patruis prælicantur. Quorum natu maximus MICHAEL in Sendziszow Palatinus Volhyniæ, jam inde cum Patre ad Podhaycios Scythas fregit, jam ipse Svecos, Moschos Cosacosq; pluribus locis in fugam egit, jam ab Augusti II. obitu; Mareſchallus Volhyniæ factus, ad Cremenecum quingentos supra mille Cosacos interfecit. Alter Patruus Tuus JOSEPHUS in Kryſtynopol POTOCKI Excubitor Regni. FRANCISCI SALESII hodierni Palatini Kijoviæ, cujus eximia in Rempubliam gesta, ad Posterorum memoriam distinctis celebrantur fastis, alter hic inquam cum Tertio Patruo Tuo STANISLAO Palatino Belzensi, vel ipsis Saxonum Annalibus ob incredibilem utriusq; in re militari gloriam, laudibus, in Cælum feruntur: Atq; si Patris Tui Patruorumq; sæculo,



lo, mos ille vixisset, quo Romani Duces, Macedonici, Cretici, Africani, de vocabulis Gentium subactarum, adoptivum insignè sumebant; non paucissima in Vestræ Domus titulis agnomina legerentur: cum unus Svecicus, alter Moschoviticus, alter Scytharum vocaretur, & quantum tota Respublica habuit hostium, tantum una Familia Vestra ostenderet & triumphorum. Sed quid necesse est mitti in singulos diligentiam curiosam? natos illos, Patrem nempe Patruosque Tuos, de Parente suo mox celebrato æstimemus: nec difficilis conjectatio est: nam cum duo sint, quæ Claros Duces faciant, summa virtus summaq; felicitas, & cum scire obvium est, qua præditus fuerit virtute felicitatèq; qui genuit docuitq; pronum etiam est intelligere, qua virtute fuerint ab eodem geniti. Cum autem tam formidabiles hostibus fuerint, mirum dictu, quam placidi erga suos nobiles domesticosq; extiterint. Quid? faciles aditus, quid? aures patientissimas, quid? benigna alloquia, quid? vultum Illorum augusti decoris gravitate hilaritatèq; compositum, ac venerandum quiddam & amabile referentem, quis dignè exequi possit? quarum rerum miraculo, omnes apud illos eosdem, devinciebantur. At

C

lon.

longum esset eorum percensere beneficia, quæ in Orbem sine modo redeuntia, & svari contexta benignitate, ita fulserunt infinita numero atq; commodis ingentia, ut nunquam oblivione gratiam eorundem obducatur sit, vel multitudo omnium, vel utilitas singulorum. Sed age porro, quæ sunt eximie reliquæ istorum Virorum illustrium virtutes? compendio dicam, quod sponendi: fides primum opinor, & obsequium erga Reges optimos; deinde vero gesti semper cum laude Magistratus gravissimi, plena fidelitatis in Senatu consilia, labor in negotiis, fortitudo in periculis, industria in agendo, celeritas in conficiendo, sapientia in providendo, justitia in judiciis, magnifica demum liberalitas in publicis privatisque impendiis.

Quandoquidem vero non ab Avo solo, Patre, Patruisque Tuis longe celeberrimis Viris, hæc laudis amplitudo in Te refunditur, verum etiam cum ab aliis POTOCCHIS, qui jam solus immortalitatis relictorum, vitam vivunt, tum ab his, qui presentem Reipublicæ curam gerunt, utinamq; DEI propitii munere, ad omnium vota diutissimam gerant! quique sunt sive Patru, sive Fratres Tui clarissimi illustrissimique cum inquam & ab Illorum optimis naximis.



misque in bonum publicum studiis, plurimum in Te decoris gloriæ, pretiūq; derivetur; religio mihi esset, eorum longè præstantissima benefacta silentio isthic præterire; nisi virtutem Illorum meritorumq; amplitudinem, crebro repetitis vicibus celebratam, ac deinceps multò frequentius de prædicandam esse, mihi certum exploratumque haberem: Sed tamen Fratris Tui Sororumq; lectissimarum non possum non meminisse. Vir hic imprimis Illustrissimus, pulcherrimis animi dotibus conspicuus, **MARIANUS POTOCKI** haud ita pridem Castellanus Lubaczoviensis, quo certius familiarem cum nobilibus gratiam iniret, omnibus ultro & jam sibi concessis, & qui offerebantur, Senatoriis abdicavit se Magistratibus; ut inquam obire posset utilia ea Republicæ munia, à quibus exercendis, Senatores, Regni legibus impediuntur: Pulcherrime certe imitatus est admiratione dignum cum sui Parentis, tum Patruī **JOSEPHI** Excubitoris Regni, exemplum, quorum primus Vester nempe Illustrissimus Parens, sæpè oblatas sibi ab Augusto II. Senatorias trabeas; nunquam adduci poterat utmitteret; alter Sacramento jurisjurandi, Senatorii usum Officii æternum sibi interdixit.

An autem prætercun læ fact hoc loco Illustrissimæ Domine ac v rns Heroi-  
 næ MELANÆ & CATHARINÆ Sorores  
 Tuæ Dilectissimæ, altera JOSEPHI PO-  
 TOCKI Castellani Leopoldensis altera o-  
 lim STANISLAI KOSSAKOWSKI Ca-  
 stellani Kamieascensis, Conjuges Lætissimæ?  
 in quibus, Fœminei imbecillitatem sexus,  
 tam egregiè, non dico virilis & masculus,  
 sed planè heroicus compensavit animus ut  
 gloriesè pertractantes difficillima quæq; ne-  
 gotia, pares reddiderit Viris prudentissimis  
 fortissimisq;. Ex his profecto, non ipsis so-  
 lis Maritis, sed cum Tibi, tum omni PO-  
 TOCCIANÆ Genti plurimum decoris glo-  
 riæq; accedit: in utraq; pariter namque, &  
 Patris, & Illustrissimæ de PODEERESCIS  
 Matris Vestræ, illa modestia, illa veritas, il-  
 le candor ingenuus ita agnoscitur; ut si quis  
 eas, sive invicem sibi, sive optimæ Parenti  
 conferat, dubitare cogatur, utrum sit effica-  
 cius ad rectè vivendum benè institui, an fe-  
 liciter talibus Parentibus nasci. Et cum Tu  
 vultus moresq; Paternos egregiè referas, Te  
 utraq; effusissimè diligit; idem utriq; propo-  
 situm, idem v tæ tenor, nihiq; est propemo-  
 dum ex quo sentias duas esse: ac proinde Te  
 etiam imitari, ac sublequistudent. Sed quæ-  
 cunq;



cumq; ill's ratio tantam modestiam, gravitatemque svasit, hoc magis dignæ sunt, ut in omnium animis & fiat & habeantur, quod verum honorem non in splendore Titulorum, sed in iudiciis hominum reponant, Magnifique Nominibus pares se faciant etiam dum recusant. Hoc solo discrimine una alterâ beatior, quod ex POTOCCIO septem suscepit Filios, qui POTOCCIORUM Nominis gloriam, non degenerare virtute sua aulam, æternum conservaturi sunt: altera verò quam ad omnem probitatem honestatemque informaret, prole destituitur.

Cum jam igitur ista transfusa Illustrissime Domine, POTOCCIORUM omnium gloria quiddam in Te excellens, quiddam prope divinum, quod Polonia, quid Polonia? quod universus deniq; terrarum Orbis suspiciat maxime, quod veneretur etiam religiose, proponit; quam ego cupiam adesse, hoc loco mihi, non jam solam hanc Leopoliensis territorii Nobilitatem, sed plane universos Regni nostri Ordines! Enim vero quam multis ad numerum, una vero quam certis & quam gravibus ad auctoritatem ac pondus, quam illustribus ac magnificis palam facerem

Ar.

Argumentis; quidquid isto in Regno, istaq; Republica, seu habemus etiamnum boni, seu habebamus olim, cum floremus quam maxime; id partem potissimam, ne dicam id omne prorsus vobis POTOCCII & majores debuiss. nostros, & nos debere, & posteros nostros æternum esse debituros. Proin ex hoc per-  
 vetusto nobilissimorum Tuorum natalium splendore, primum nobis est colligere, non hanc solum Præfecturæ Leopoltianæ dignitatem, sed quæ maximæ sunt illas Tibi deberi. Non fortuita equidem consensus hominum, nec repentinus aliquis favoris eventus, Tuam virtutem honoribus cumulat, sed jam nascendo imperia meruisti. Quod quidem mihi DEI immortalis munus, & pulchrum videtur & maximum, in lucem statim felicem venire, & ea quæ alii vix totius vitæ laboribus consequuntur, jam sibi domi parta suscipere. Quamvis enim magna sit & admiranda felicitas, quæ stipendiis in ordinem meritis, & militiæ gradibus emensis ad fastigium dignitatis ascendit; quod quidem etiam Tu præclare consecutus es, ita ut licet supra omnes acquirendæ gloriæ moras Te fortuna posuisset, crescere  
 ta.



tamen militando voluisti, Teq̃ meritis  
 celebriorem reddidisti, cum jam non pos-  
 ses Genere esse clarior nobiliorque: quam-  
 vis inquam magnum sit, abs se profe-  
 ctum, ad maxima pervenire; longe ta-  
 men aliud est, ipsa ortus sui sublimitate  
 fultum, verticem tenere fortunæ, & quæ  
 summa sunt, non sperare sed habere.  
 Neq̃ enim dubium cuiquam esse potest,  
 quin Tibi omnium Reipublicæ Magistra-  
 tum, hæreditas competat, cum dubium  
 nemini esse potest FELICIS magni copia-  
 rum Regni Ductoris Nepotem, & Geor-  
 gii Filium, seu Te POTOCCIUM esse.  
 Inde est, quod tanta ex illis in Te cum  
 sanguine formæ similitudo transivit, ut  
 eorum graves amabilesq̃ vultus, eorumq̃  
 mores ipsa natura signante, in Te expres-  
 si videantur. Idem enim est, quem rur-  
 sus in Te colimus, aspectus, eadem in  
 fronte gravitas, eadem in oculis & in ore  
 tranquillitas, idem in pectore robur, sic  
 est index modestiæ rubor, sic testis justi-  
 tiæ sermo: & doleat licet Respublica  
 quod optimus Parens Avusq̃ Tuus ab  
 illa excefferint, sed dum Te cernit, illos  
 nequaquam exceffisse arbitratur. Quan-  
 quam quid ego illos exceffisse dico? quo-  
 rum

rum immortalia facta etiam atq; etiam in Te vivunt, atq; in Tuis præclaris meritis quibus Tu Te supra omnium honorum culmina majorem reddidisti; in totius Reipublicæ oculis posita conspiciuntur. Sed agendum, qui in Te incredibilem POTOCCIORUM gloriam, tantaq; Majorum Tuorum decora, spectavimus ad huc, nunc Tua hæc demum contemplemur merita: Hæc enim vero est altera pars peculiarium Tibi laudum, in quas si diligentius intuebimur, quibus per DEUM exultabimus lætitiis! quibus animorum gaudiis incedemus, quibus certatim plausibus isti gratulabimur nobilissimo territorio Leopoliensi datum ei esse Præfectum à suarum dotum atque virtutum laudibus præter cæteros aptissimum, qui cum honorificentissima ejus felicitate, eximium idem illud munus obeat. Illæ vero dotes, virtutes atq; merita Tua, quam multa sint, quam præclara, quam ad eandem gloriæ Tuæ felicitatem propemodum infinita, id quanquam nemo nostrum nesciat, tamen vel scientibus, intuentibusq; etiam, quasi ad incendendam vehementius, communis lætitiæ voluptatem, paucis memorandum est: verum ut



ut in magnis ædibus; interiorum ornatum  
 vestibula ipsa declarant; & molem ædi-  
 ficii diuturniorem spondent, probe jecta  
 fundamenta, sic nobis venturis ad ingen-  
 tium virtutum Tuarum stupenda penetra-  
 lia, debet laudationis ingressum, cum pue-  
 ritia tum Adolescentia Tua aperire, illa  
 in Scholis Lublinsibus, hæc apud ex-  
 teras Regiones & gentes optime exacta.  
 Et profecto, ubi illam pueritiam Ado-  
 lescentiæ Tuam suavi recordatione re-  
 petimus, jam præclaram, jam absolutam,  
 iam admirabilem, neq; tam hominis, quam  
 ipsiusmet Cælo lapsæ virtutis imaginem  
 effigimus. Incomparabilis hæc igitur, &  
 ad virtutem ac decus proprio naturæ in-  
 genio tam pulcherrime prædita Tua il-  
 la pueritiæ indoles, posteaquam in hac  
 ejusmodi POTOCCIANA educata est  
 domo, posteaquam in ejusmodi Paren-  
 tum manibus tam liberaliter atq; ingenue  
 instituta est, qualem Tui aliam in Scholis  
 effingere potuisset speciem, si non Ado-  
 lescuntuli, eximia bonitate, probitate, in-  
 tegritate, studio, eruditione, omni deniq;  
 laudum genere insignis atq; conspicui?  
 O beatas fortunascq; Scholas Lublinses!  
 O felices ejusmodi nactos discipulum

D

Pæ;

Præceptores, quibus nullo labore constabat divinam Tuam indolem ad studium laudis hortari. Non necesse fuerat, Camillos & Curios & Catones Tibi ad imitandum proponere, sed suffecerat, Patris Tui Avorumq; exempla memorare, ut omni literarum genere animum excoleres, ut egregios in omnibus præclaris artibus progressus faceres, uberrimosq; fructus referres. Neq; diu bonorum omnium optimam de Te spem conceptam, expectationemq; distulisti: nam paulo post ab emensis literarum studiis illam tam excellentem, tamq; reconditam Tuam eruditionem, quanto deinde uberiores, quanto perfectiores, quanto deniq; admirabiliorem, fictam, existimamus experimurq;; posteaquam excellens istud ingenium Tuum, in Europæ prodisset lucem, Regioneq; Germaniæ & Galliæ perlustasset. Sed pace Tui dicam Illustrissime Domine, nihil prorsus ex longa illa peregrinatione Tua ad pristinam Tuam prudentiam, ad Tuam sapientiam, ad Tuam rerum omnium cognitionem accessit, præterquam quod in se ipsis ea conspexeris, quæ jam olim in libris & literis cognovisses. Aut certe, si accessisse quidquam, sit  
omnino



omnino dicendum, id nihil aliud fuisse  
 contendam, præterquam prudentiæ sa-  
 pientiæq; illius Tuæ, quam perfectam in  
 omnes partes, omnibusq; absolutam nu-  
 meris Patrio Regno extuleras, commu-  
 nem inter gentes eruditas admirationem  
 ac Nominis Tui gloriam incredibilem.  
 Ut cætera namq; omittam quæ Tuæ com-  
 mendationem eruditionis mirum in mo-  
 dum augent; quæ nam præcipua inter  
 Europæas est lingua, qua non  
 Tu expedite, copiose, scite, eleganterq;  
 ad audientium delectationem & scribas &  
 loquaris? Patria vero eloquentiâ quantum  
 valeas, quid ego memorem? cum sim di-  
 cturus minus, quam universa existimet  
 prædicarq; Respublica; quæ Te in gene-  
 ralibus Regni Comitibus Provinciales Nun-  
 cium iterum iterumq; audivit pro publico  
 bono perorantem. Quid porro aut in  
 Philosophicis, aut in Mathematicis facul-  
 tatibus tam est abditum ut Te lateat? aut  
 in infinita historiæ universæ vastitate tam  
 dispersum dissipatumq; ut non hoc tamen  
 animo complectaris totum. Civilium de-  
 mum institutorum scientia, juris publi-  
 ci, non Poloni, nec Lithvani solum, sed gen-  
 tium omnino omnium exquisita cognitio.

tanta inest in Tua mente; ut qui Te de  
 hoc genere audierunt, quoties autem non  
 audierunt? differentem, ii ipsum in Te  
 Platonem aut Solonem illos Divinos sci-  
 licet Reipublicæ Magistros audire sibi vi-  
 derentur. Ac jam tum mirabantur in Te  
 omnes, gravem illam in judicando dis-  
 sendoque prudentiam, hanc lepore & gratia  
 conditam temperatamque Majestatem, hanc  
 diligentiam in negotiis, consilium in pro-  
 videndo, sagacitatem in conjectando, in-  
 dustriam constantiamque in agendo, hanc  
 demum absolutam omnibus numeris, ea-  
 rum omnium, quæ ad Civilem veniunt u-  
 sum, rerum scientiam, hanc incredibilem  
 atque Divinam quandam in Te Juvene sapi-  
 entiam. Cum vero ista sapientia Tua, ni-  
 hil non maximum utilitati publicæ, de Te  
 polliceretur, tum aliæ virtutes in amorem  
 venerationemque Tui pectora omnium rapi-  
 ebant. Etenim quis Te optimum tum Ju-  
 venem non singulari cultu, obsequio, & a-  
 more prosequendum esse putasset, quem in  
 tanta fortuna, tanta esse demissione animi,  
 æque tanta modestia vidisset esse? tam faci-  
 le; privatorum tenuiorumque etiam, acces-  
 sus essent, tam liberæ, seu preces, seu que-  
 rationis de aliorum injuriis, ut is, qui di-  
 gnita-

gnitate sit suppar Principibus, humanitate, atque facilitate nihil supra infimos videatur assurgere? Quid de maxima tunc in Divinum Numen religione, quid de eximia in Majores pietate, in æquales, imo vero in tenuissimi nos quosq; caritate & liberalitate dicam? ista vero, ista imprimis hominis decora tam ampla, tamq; illustria, in Te jam tum fuere, ut omnibus admirationem Tui amoremq; extorquerent: ista fuere quorum in tota Polonia tot laudatores habes, quot eos qui Te noscunt noveruntq;.

Tale igitur teneræ auspiciunt ætatis Tuæ, quid sequebatur nisi novum & ingens adulationis vitæ miraculum: sed sine Vir Illustrissime, ea quæ Tu juste moderatè civiliter facis, aliis fortè miraculo, nobis esse non possunt, qui Te omnibus vitis absolutum & liberum sciamus, solo immortalitatis boniq; publici amore flagrare, dirigere omnes vires & cogitationes Tuas ad memoriam posteritatis æternam, atq; his maxime serv re judicibus, qui de rebus præclare gestis Tuis, sæculis venturis judicabunt. Non enim potes quidquam abjectum & humile cogitare, qui his de Te semper loquendum. Nunc igitur si parum ampla, nec respondente meritis Tuis reliqua oratione  
ulius



usus videbor, quæso obtestorq; Te meæ id naturæ potius temporumq; angustiis quam rectefactorum Tuorum magnitudini putes esse tribuendum.

Ne tamen adolescentiam Tuam ad omnium admirationem institutam; ad infinitas prope reliquas bene gestorum Tuorū laudes quibuscum arctissimè conjuncta est, descensuri, usq; adhuc omittamus; bellicæ artis optimum Tuum studium, cui Te continuo à primis Juventutis annis addixisti, perpetua quidem dignum recordatione, verbis paucissimis repetamus. Favet imprimis Martio robori Tuo, insitumq; à Majoribus heroicum animum Tuum plurimum auxit, Patrii soli oportunitas. Non enim in otiosa aliqua, deliciisq; corrupta terrarum parte, natus institutusq; es, sed in hac Polonia, quam ad infatigabilem consuetudinem laboris atq; patientiæ, fractus jam dudum licet hostis, non provocet, arma tamen semper eam exercent. Huic Tu pulcherrimo, Patriæq; saluti utilissimo exercitio, quam porro diligentiam, quam habitudinem, quod robur non attulisti? Neq; tamen Tua illa bellicæ rei scientia, quam per tot laborum experimenta quæsisisti adscribenda est, aut naturæ ipsi soli, aut fortunæ Reipublicæ; cui  
hoc

hoc Nomine etiam succenseri potest, quod quem sellis curulibus, summisq; Magistratibus destinaverat, nunquam indulgenter habere voluerit; sed ut optimi Patres his, quos impenius diligunt Filii, tristiore aspectioresq; sunt, ita hæc Patria Tua Te plurimis militaribus difficillimisq; rebus exercuit, dum aptabat parabatq; imperio. Quid hic memorem, stationes Tuas in castris? quid actas dies noctesq; excubias? quid omnes labores sudoresq; non tam patiens Scipio Africanus prima rudimenta militiæ sub Paulo Patre toleravit, nec pari indole Annibal puer in tentoria successit, nec futurarum spe certiore virtutum Philippi castra Alexander nondum Magnus implevit: quos etsi plurima laude detaverit magistra veri vetustas, nihil plus tamen blandita præstitit, quam ut eos in his annis Ductorum castra secutos vulgaret, in quibus Tu ita fortiter multa gessisti, ut ea non tantum Alexander, aut Africanus, aut Hannibal videre dum discerent; sed eorum Ductores atq; institutores, optassent facere, dum docerent. Et ne tum quidem cum in altioris militiæ proventus gradum, jubere tantum & parta gloria ac honore frui posses, hanc militarem operam remisisti, quin o-

mum

mnum Castrenſium munerum primus nu-  
 meros, aut cum primis obires: ſtabas nem-  
 pe pro ſignis, excubias egifti. Dux Conſi-  
 lio, ſed miles exemplo fuiſti, ut jam tum  
 poſſet intelligi, alios tractatione armorum,  
 parare ſibi nobilitatem, Te à majoribus ac-  
 ceptæ nobilitatis antiquitate, ipſis armis to-  
 tiqꝫ militiæ nobilitatem addidiſſe. Quanti-  
 es autem Tibi placuit aliis publicis nego-  
 tiis Caſtra mutare, ita boni communis cu-  
 ram in Te ſuſcipiebas, ut ſive Tu Aulæ Re-  
 giæ, ſive plurimis Regni Comitibus, ſive Tri-  
 bunalis Regni Supremo muneri tempus da-  
 bas, rem & famam pariter auctam efficeret  
 omniumqꝫ ordinum homines his, aut illis  
 beneficis apprehenderet, amicorum com-  
 moda, præſentium abſentiumqꝫ negotia, aſſi-  
 duitate, conſilio, ſententia, re, autoritate  
 juvares. Velim tamen dicas, unde cum ſolus  
 unus tantis laboribus ſufficiat, nec Te negoti-  
 orum cura, vel ipſa illa Tuorum beneficio-  
 rum turba confundat, unde inquam, hæc  
 Tua patientia? unde virium tantum robur,  
 ut neminem parcior, tardiorve, obſequio  
 gratia, juſtitia, tempore modove decipias?  
 quotidie in labores atqꝫ beneficia Tua in-  
 quirimus, & memoriam convenimus, & ne  
 ſingulis inſidietur oblivio, cum altero quis-  
 que



que conferimus; unum autem invenire non possumus, cujus spem atq; expectationem, non dicam fefelleris, sed quæ delicatior est quærela, distuleris,

Sed hæcenus Illustrissime Domine pro ratione temporis perexigui, memet præteritas præsentēsq; laudes Tuas attrectasse fas fuerit: At cum ingens ne dicam infinita meritorum Tuorum copia me obruat, eademq; temporis ratio coerceat, finem sermoni facere maluerim, quam amplissimum Officiorum Honorūq; Tuorum ordinem invadere. Dabitur utcunq; venia piæ temeritati meæ, si usurpasse communia, & leviter prima laudum Tuarum capita attigisse, non singula quæ innumerabilia sunt comprehendisse vilus fuero. Eam itaq; gloriæ partem, ultimam quidem loco, sed miram, incomparabilem, atq; omnium judicio existimationeq; majorem, quod nempe cum Tuorum rectefactis Majorum tum propriis virtutibus Tuis, non de hac sola Polona Republica, sed universo prope terrarum orbe optime meritis, usq; adhuc rerum præclarè gestarum præmium (supremam quandam honoris dignitatem intelligo) non curaveris, nec admiseris, cum, inquam, illam gloriæ Tux partem silentio reverenter præ

E

ter.

termitto; affirmare tamen hæud invitus co-  
 gor, amorem studiumq; boni publici, Tibi  
 in causa fuisse, ut per singulos Magistratu-  
 um Patriæ gradus, in unoquoq; habilis uti-  
 lisq; ad altissimum dignitatum culmen pro-  
 veharis. Quapropter hæc pleraq; reliqua  
 quæ abs Te bene gesta sunt, semperq; ge-  
 rantur, subinde relinquimus magis magisque  
 celebranda: Qualem Te in militaribus Offi-  
 ciis præstiteris, quis in Pincernæ Regni mu-  
 nere, quis in Provincialibus Regni Legati-  
 onibus fueris, quis demum sis in hoc Su-  
 premo M. D. L. rei tormentariæ munere,  
 horum hæc lingvis, horum voce laudentur,  
 qui de communibus gaudiis & dignius utiq;  
 quæ maxima, & justius poterunt prædicare,  
 quæ meritis, Nominisq; Tui gloriæ peculiaria  
 sunt. Nos verò cum imprimis Vestræ PO-  
 TOCCIANÆ gratiæ qua liberalissimi Crasno-  
 staviæ, Varsaviæ Lanciciæ, Novogrodeci Col-  
 legiorum Nostrorum primi Authores Fun-  
 datoresq; extitistis, tum infinitorum prope-  
 modum Vestrorum beneficiorum, ac vel  
 maxime Collegio Stanislæopolienti, istique  
 Tuo Leopoliensi Munificentissime collato-  
 rum, animo semper grato, precibusq; ad  
 DEUM fuis, memores; nos inquam dixi-  
 mus adhuc pro eloquentiæ nostræ tenuitate  
 mul-

35  
multa, sed pauciora quam pro voluntatis in  
Te nostræ studio debuimus; ut justam apud  
Tuam benevolentiam causam habeamus, &  
nunc paululum quiescendi, & sæpe deinceps  
uberiusq; de Te dicendi, cum eorum con-  
suetudine qui Te hac Præfectura Leopoli-  
ta præcesserunt, aut Palatinus Magnus, aut  
Dux; aut promeritorum Tuorum dignitate  
fies utrumque.

Ad M. D. G.
















\*KSIEGARNIA\*  
ANTYKWARIAT

3090

\*KSIEGARNIA\*  
ANTYKWARIAT



107289 a  
XXXXXXXXXXXXXXXXXXXX

Biblioteka Jagiellońska



stdr0026132

B 13295



